

Headline	Bina aplikasi pasar tani		
MediaTitle	Kosmo		
Date	05 Feb 2018	Color	Full Color
Section	Negara	Circulation	197,202
Page No	18	Readership	875,000
Language	Malay	ArticleSize	297 cm ²
Journalist	MUHAMMAD AYMAN GHAFHA	AdValue	RM 7,737
Frequency	Daily	PR Value	RM 23,212



Mudahkan pengguna mendapatkan maklumat

Bina aplikasi pasar tani

Oleh MUHAMMAD
AYMAN GHAFHA

PASIR SALAK – Kementerian Pertanian dan Industri Asas Tani akan melancarkan Aplikasi Mudah Alih Pasar Tani Malaysia pada Mac depan dalam usaha untuk menjenamakan semula imej pasar tani.

Menterinya, Datuk Seri Ahmad Shabery Cheek berkata, aplikasi itu akan memberi maklumat kepada orang ramai mengenai lokasi pasar tani di seluruh negara.

Jelasnya, melalui aplikasi itu, pengguna boleh mengetahui pelbagai produk tempatan yang dijual di sebanyak 986 lokasi pasar tani.

“Pengguna boleh mendapatkan maklumat seperti harga semasa untuk produk yang dijual dan waktu operasinya melalui aplikasi itu.

“Ia juga dicipta seperti aplikasi peta dan pengguna boleh memandu dengan berpanduan petunjuk untuk ke setiap lokasi pasar tani,” katanya pada sidang akhbar selepas merasmikan Majlis Pecah Tanah, Pasar Tani



AHMAD SHABERY (tengah) melakukan gimik pada Majlis Pecah Tanah PTK Kampung Gajah, Pasir Salak semalam.

Kekal (PTK) Kampung Gajah di sini semalam.

Hadir sama, Timbalan Menteri Pertanian dan Industri Asas Tani merangkap Ahli Parlimen Pasir Salak, Datuk Seri Tajuddin Abdul Rahman; Pengerusi Lembaga Pemasaran Pertanian Persekutuan (FAMA), Tan Sri Badruddin Amiruldin dan Ahli Dewan Undangan Negeri

Sungai Manik, Datuk Zainol Fadzi Paharudin.

Dalam pada itu, Badruddin berkata, FAMA akan melakukan pembaharuan dengan meletakkan trak pusat khidmat masyarakat di lokasi pasar tani di seluruh negara Mac depan.

Menurutnya, pusat khidmat masyarakat itu berkonsep seperti mini Pusat Trans-

formasi Luar Bandar di setiap pasar tani dengan memberi perkhidmatan dengan menggunakan trak.

“Ia merupakan salah satu langkah untuk mempelbagaikan peranan pasar tani,” katanya sambil menambah FAMA turut menyasarkan sebanyak 1,000 pasar tani dibuka di seluruh negara menjelang tahun 2020.

FOTO: ZULKARNAIN SAIDI